



# Apabila Faezil Menulis

w w w . f a e z i l . c o m . m y

"Apabila Faezil Menulis" merupakan satu blog yang memaparkan luahan, rintihan, cetusan idea dan pendapat serta coretan liku-liku kehidupan seorang insan biasa yang bernama Faezil Aidil.

## KENANGAN BERSAMA MICROSOFT FRONTPAGE

## BUTIRAN PENULIS

Faezil Aidil Jamian lahir pada 28 Ogos 1980 merupakan seorang Eksekutif Kanan Teknologi Maklumat PIJ Holdings Sdn Bhd. Sebelum itu pernah menjadi web developer di sebuah syarikat swasta dan pernah menjadi jurulatih IT mengendalikan kursus Bimbingan Perguruan Profesional dalam Teknologi Maklumat untuk guru-guru di Mersing.

### Latar Belakang

Dilahirkan pada 28 Ogos 1980, merupakan anak sulung kepada Haji Jamian Gimam dan Hajah Saerah Yasar. Mendapat pendidikan awal di Sekolah Kebangsaan Pengkalan Rinting, Sekolah Kebangsaan Kompleks UDA dan Sekolah Kebangsaan Bandar UDA (2), Johor Bahru dan kemudian bersekolah menengah di Sekolah Menengah Kebangsaan Tasek Utara dan Sekolah Menengah Sains Johor. Mendapat Ijazah Sarjana Muda dalam bidang Teknologi Maklumat daripada Universiti Kebangsaan Malaysia, Bangi pada tahun 2004. Memulakan kerjaya sebagai Jurulatih IT di syarikat Prestariang Technology Sdn. Bhd. dan kemudian dengan BossHouse Group sebagai pengaturcara web.

### Bidang Komputer

#### 1989 - 1995 Mengenal Komputer

Mula mengenali komputer seawal usia 9 tahun apabila pihak sekolah mengadakan kelas komputer untuk para pelajar. Minat terhadap komputer mula bertambah apabila ayahnya membelikan komputer di rumah pada tahun 1990. Ketika menggunakan komputer, secara tidak sengaja terjumpa perisian QBASIC yang menjadi titik permulaan beliau kepada dunia pengaturcaraan.

Tertarik dengan QBASIC kerana boleh mencipta program sendiri, Faezil terus meneroka ilmu pengaturcaraan dan membina aturcara asas seperti permainan meneka nombor. Beliau pernah membina aturcara permainan berkonsepkan seperti Anugerah Juara lagu, permainan meneka ayat berkonsepkan seperti More Jutaria atau pada masa kini dikenali sebagai Who Want to be a Millionaire atau Wheel Of Fortune.

Mempelajari komputer secara rasmi dengan menghadiri kelas komputer anjuran pihak sekolah, beliau mula didedahkan dengan pelbagai perisian seperti

Wordstar, Lotus 123, dBase, MS Excel dll. Pembelajaran komputer ini terhenti apabila beliau berhijrah ke sekolah berasrama penuh.

2000 - 2004 Pendidikan Formal Teknologi Maklumat

Melanjutkan pelajaran dalam bidang Teknologi Maklumat (Pengajian Multimedia) di Universiti Kebangsaan Malaysia. Di sini beliau didedahkan dengan pelbagai ilmu formal dan dididik bukan sahaja sebagai pengguna IT, bahkan untuk menjadi IT Profesional.

2004 - 2007 Jurulatih IT

Selepas tamat belajar, memulakan kerjaya sebagai Jurulatih IT di syarikat Prestariang Technology Sdn. Bhd. Syarikat ini mendapat kontrak selama 3 tahun daripada kerajaan Malaysia untuk melatih guru-guru di seluruh Malaysia menggunakan Teknologu Maklumat dalam pengajaran dan pembelajaran. Faezil Aidil ditugaskan untuk mengendalikan kursus tersebut di pusat latihan di Mersing, Johor. Setiap satu sesi kursus selama 2 minggu dihadiri oleh 25 peserta.

Pada waktu ini juga, buat pertama kali Faezil melanggan domain dan hosting berbayar. Domain pertama yang dibelinya adalah faezilaidil.com. Beliau mula menjinakkan diri dengan penggunaan CMS seperti PHP-Nuke, phpBB, Joomla, Wordpress dll

2007 - 2015 Pengaturcara Web

Selepas tamat kontrak, berkhidmat sebagai pengaturcara web di BossHouse Group Sdn. Bhd. Pada awalnya, beliau ditugaskan untuk membangunkan website para pelanggan di bawah anak syarikat Timenet Telecommunication dan kemudiannya beliau ditugaskan untuk membangunkan dan menyelia beberapa laman web milih BossHouse Group.

Pada tahun 2009, Faezil mula mengenali dan mempelajari CakePHP.

Pada tahun 2014, majikannya membuka syarikat baru, Wall Media Berhad dan melantik Faezil menjadi salah seorang pengarah. Namun begitu, selepas setahun, Faezil keluar daripada Wall Media Berhad dan kembali ke Johor Bahru.

2015 - kini Eksekutif Kanan Teknologi Maklumat

Berkhidmat sebagai Eksekutif Kanan Teknologi Maklumat di PIJ Holdings Sdn. Bhd. yang merupakan syarikat induk milik penuh Perbadanan Islam Johor.

## Perniagaan Internet

Memulakan perniagaan Internet pertama dengan menjual koleksi template dan grafik di Internet. Koleksi ini dibeli daripada seorang pakar grafik dan Faezil memperolehi lesen Resell Right untuk membolehkan beliau menjualkannya secara komersil

Setelah melihat kejayaan penjualan berasaskan RR ini, Faezil meneroka produk lain yang berasaskan RR. Antara produk RR lain yang pernah dijual adalah Sistem Affiliate Lite


Sebagai seorang yang berlatarbelakangkan IT, Faezil juga mengorak langkah meneroka perniagaan web hosting dengan menjadi reseller.

Selain itu, Faezil juga pernah menjual produk di eBay menggunakan konsep Dropship. Tetapi tidak lama kerana masalah syarikat dropship tersebut. Melihat potensi konsep dropship ini, Faezil beralih kepada dunia percetakan. Pernah membuka perniagaan Ilham Cinta dengan kerjasama rakannya.

## Projek

Berikut adalah projek-projek yang sedang dibangunkan

- Laman Waktu Solat - Memaparkan waktu solat di seluruh Malaysia
- Kedai Online - Pengguna boleh membina kedai online sendiri
- Tulis Blog - Pengguna boleh membina blog sendiri




Seorang rakan Facebook saya telah membuat satu hantaran yang menarik.

Once upon a time, there's one LEGENDARY WEAPON of webmasters.  
Well.. at least in the beninginging.. ????

Posted by [Nizam Ahamad](#) on [Wednesday, February 21, 2018](#)

Versi pertama yang saya guna adalah Microsoft FrontPage Express 2.0



Antaramuka

## MS FrontPage Express

Masa tu kalau tak silap pada tahun 1998, saya terjumpa software ini di PC yang dibeli oleh ayah saya untuk kegunaan rumah. Maka bermulalah perkenalan saya dengan dunia HTML. Sebelum ini saya sudah berkenalan dengan dunia Internet dan laman web setelah saya menyambung pelajaran di peringkat Matrikulasi.

Dengan Microsoft Frontpage ini lah saya kenal kod untuk table, div dll. Begitu juga saya berjinak-jinak dengan CSS.

Nota : CSS atau nama penuhnya Cascading Style Sheet, merupakan kod yang mengandungi format sesuatu laman web. Contohnya jenis atau saiz font, warna latar, saiz bar tepi dsb.

Contoh CSS :

```
<style>
body {
  color:#000000;
}

p {
  font-size:15px;
}
```

</style>

Dalam bahasa melayu disebut Lembaran Gaya Latar

Oleh kerana ia adalah keluaran Microsoft dan pernah menjadi keluarga Microsoft Office, antaramuka Microsoft FrontPage tidak banyak berbeza dengan Microsoft Office. Ini memudahkan saya untuk mempelajari penggunaannya



Pada masa itu, saya belum kenal lagi bahasa pelayan (server language) seperti ASP dan PHP. Jadi pada masa itu memang layan HTML, CSS dan javascript je la

Sekian,

Faezil Aidil Jamian